

# KIT ME YUBU KOC ONYO JEREKEN LALWOK CING MA PE LANYO PII

## Karatac Pwonye

### Jami ma mitte:

1. Guti (bor ne mita 2, wigi myero obed akara)
2. Tal aryo ma kor gi dok tino bor gi mita 1 (acel me ngabo koc lalwok cing, acel me anyone ki tyen wek pii omol)
3. Langol bao
4. Cuma citimita 8-11
5. Odul bongo onyo magalo



6. Mac
7. Cuperi
8. Tol aryo (mita 0.5 me gin wiye; mita 1 me tyene)
9. Jereken pii ma tero lita 3 onyo 5
10. Cabun
11. Dul tal ma bor ne rom ki bor pa cabun
12. Latuc bur ikom cabun
13. Got ki gweng me aonya me lacwiny pii ma ony

### Kit me yubu lalwok cing ma pe lanyo pii:

**1 Kwiny bur.** Nong jereken pii ma tero lita 3 onyo 5 ma iye nono. Coo wange kama ibitucu iye bur ma bor kine romo citimita 12 me a ki i wiye.



**2 Ket Cuma i mac olyeti.** Mak cuma man ki magalo onyo bongo, ci ilyet Cuma ki kit mac mo keken.



**3 Kwiny bur.** Nong jereken pii ma tero lita 3 onyo 5 ma iye nono. Coo wange kama ibitucu iye bur ma bor kine romo citimita 12 me a ki i wiye.



Ngec man ginongo ki: Kit me yubu koc onyo jereken lalwok cing ma pe lanyo pii— Yoo me lwoko cing ki pii ma curre ma gwoko lengo paco. Lucoo ne /Lumak cal gin aye Mark Tiele Westra. Werkgroep ntwikkelingsTechnieken (WOT); University of Twente, me lobo Netherlands; Henk Holtslag Connect International.

**4 Rwak tol.** Rwak tol ma olo bor ne (mita 1) odony ki i gin wiye. Cak ki rwako te tol ki tung kuwoko pa gin wiye wek tol odony ki tung i iye.



**5 Tud dog tol.** Tud dog tol ma tye ki tung ii cupa ni. Tud doge madit maber ma ka gitelo pe romo wot woko. Twer gin wiye idwok cen ikom jereken wek dog tol ma lyere olyere ki woko pa jereken.



**6 Ket tal.** Twer dog tol ikom tal mita 1. Tal man dog oribbe ikom jereken ki tol. Man aye kama ginyono ki tyen wek pii ony.

*Ngee ni—iromo loko bor pa tol man kace mitte i yoo me nama 11 me yubu lalwok cing ma pe lanyo pii.*



**7 Tuc bur ikom cabun.** Kun nongo itiyi ki latuc bur mo (labol cuma, tal...). Tuc bur ikom cabun kun nongo iwiro dok icoro latuc bur man motmot.



**8 Rwak tol.** Rwak tol ma dok cekki (mita 0.5) i bur ma ikom cabun ni ci itwer ikom tal macek onyo odul yen.



**9 Ony pii i jereken.** Ony pii i jereken wa iwang bur.



**10 Com guti i ngom.** Nen kama ber loyo me keto lalwok cing. Myero obed kama lwoko cing timme iye tere tere (cok ki coron onyo cokon). Kwiny bur aryo i ngom ma tut gi citimita 50 ki cuperi. Ket guti ma bor kin gi citimita maromo 70. Ket guti i bur ci ium gi ki ngom maber.



**11 Ngab jereken, tal tyene ki tol cabun.**

- Rwak tal i wen jereken, ci ingab tal ijang guti aryo ni. Jereken dong myero olyerre i jang tal man.
- Twer tal ma cabun tye iye ni wek olyere ikom tal. (ka cabun peke tii ki koc me keto buru).
- Nenni tol me tyen jereken giyubu maber wek dog tal tung cel olyere ikine citimita 15 ka wi ngom ki dog tol tung acel mukene ni ogudo ngom.



**12 Yub bur lacwiny pii.** Kwiny bur ma bor ne citimita 40 x 40 ki tutte citimita 20) ka te jereken kama pii or iye). Ony gweng i bur man. Man bur lacwiny pii ma gwoko ka lwoko cing pe pong daba, dok pe doko ka nywal pa ober.



### Kit me tic kede:

Nyon tal piny ki tyeni. Man lengo jereken ma weko pii mol ki i bur ma i kor jereken. Dyak cingi ci ikwany tyeni woko ki i tal. Ruc cabun (onyo buru) i cingi. Nyon tal odok piny dok ki tyeni ci ilak cingi.

### Kit me gwoko lalwok cing ma pe lanyo pii:

1. Wek pii obed ii lalwok cing wek obed atera me tic cawa weng.
2. Lwok i ki woko pa lalwok cing cabit ki cabit onyo pi wang kare macek loyo kenyo kace nen col.
3. Ket cabun (onyo buru) kace otum.
4. Lok tal iwang kare mo wek pe otur.

